



Universitätsbibliothek Paderborn

R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Mysteria Resvrrrectionis, Apparitionis, & Ascensionis, vsq[ue] ad
Spiritus Sancti Aduentum & Euangelij promulgationem, complectitur

Puente, Luis de la

Coloniae, Anno M.DC.XII.

Med. 35. De Assumptione B. Virgin. quoad animam supra omnes Choros
Angelorum, & gloria eius essentiali, & Coronatione.

[urn:nbn:de:hbz:466:1-38195](https://nbn-resolving.org/urn:nbn:de:hbz:466:1-38195)

MEDITATIO XXXV.

DE ASSUMPTIONE B.
Virginis quoad animam, super om-
nes choros Angelorum; De es-
sentiali eius gloria, ex
coronatione.

PUNCTVM. I.

PRIMUM, consideranda glorio-
sa Assumptio, & ingressus Bea-
tissimæ virginis in Cælum Em-
pyreum: nam statim; atque illa
expiravit; Sanctissima eius ani-
ma, vinculis corporis soluta, in vno momen-
to euolauit in Cælum, & fuit glorificata. Sed
hæc meditantes, more nostro cogitare possu-
mus, quod sensim, & aliquo temporis inter-
uallo, ad cælum ascenderit. *Primum* ergo per-
pendam dulces amplexus mutuos Matris &
Filij in primo illo animæ eius ex corpore e-
gressu, cum ineffabili eius gaudio: ibi enim
impletum est, quod Sponsa dixit: *a Læua eius
sub capite meo, & dextera illius amplexabitur
me.* *Na,* quamdiu vixit in corpore, sustentauit
illam contemplatione mysteriorum, & ope-
rum humanitatis suæ, quæ Læua significatur:
sed mox atque anima exiuit ex corpore, am-
plexa est illam, & visione clara diuinitatis,
quæ dextera significatur, circūdedit. O quā ex-
ultabunda fuit benedicta illa anima, in pri-
mo illo

Cant. 2.6.

C. 2.3.

b *Canti. 3.*
4.

mo illo inuitanti! quanto animi affectu dixit illud sponsæ: *b Inueni quem diligit anima mea: tenui eum: nec dimittam, donec introducat me, secumque deducat in domum MATRIS meæ, cælestis videlicet Ierusalem.*

O Virgo suprema, impetra mihi talem uirginitatem, & talem charitatis ardorẽ, ut mecum atque anima mea è corpore exiuerit, in dilecti sui amplexus incidat, & ascendat cum eo in domum matris meæ, ubi tu mater mea habitas, gaudens cum filio tuo, per æterna seculorum Amen.

II.

Sermo de
Assup. Virg.

c *Judith. 15*
10.

DEINDE, considerandus est illustris Hierarchiarum Angelorum comitatus, qui BEATISSIMAM VIRGINIS atque matrem comitabantur, eius Assumptionem celebrantes, salutantes illam (ut ait Sanctus Athanasius) varijs, ingentis gloriæ salutationibus; & exultantes, quod eam ad supernam suam ciuitatem deducerent, congratulabantur ei de admirandis, quæ Deus in illa operatus erat; & omnes uno concentu cecinerunt, Gabrielis Archangelis salutationem, in qua epilogus quidam continebatur excellentiarum ipsius. Ego raptus Spiritu me inferens in medium harum Hierarchiarum, hanc eandem Dominam laudabo, eius celebrans triumphum, sicut fecerunt Hæbrei, Iuditham suam laudantes; & dicam: *ô Virgo gloriosissima, c tu gloria*

Ierusalem, tam militantis quam triumphantis; tu letitia Israel, tam eorum, qui in hac vita per contemplationem; quam eorum, qui in altera clarè & apertè vident Deum; tu honorificentia populi nostri, quia semper fecisti viriliter, eo quòd castitatem ita amaueris, vt nunquam virum cognoueris: & ideo eris benedicta in aeternum, & per te omnes erunt benedicti, quos tu protegeris.

TERTIO perpendam, sacratissimam hanc VIRGINEM non Angelorum manibus, sicut mendicus ille Lazarus ad sinum Abrahæ fuit deductus, sed filij sui manibus & vlnis fuisse deductam, sic illi rependens obsequia, & iucunda officia, quæ in eius infantia ipsa illi præstiterat, in suis vlnis eum blandissimè gestando: ex hoc enim orta est ingens illa cælestium Ierarchiarum admiratio, cum dixerunt: *d qua est ista, qua ascendit de deserto, delitijs affluens, innixa super dilectum suum!* quasi dicerent, quæ est ista, quæ ex sicco & sterili mundi deserto, vbi nihil est nisi labor & dolor, ipsa tamen ad eò diues, prospera, & abundans, delitijs cælestibus plena ascendit; & quidem non in seipsam, neque in Angelos, sed in suum dilectum innixa!

IN hunc modum ingressa est Virgo sacratissima coelum Empyreum, cum ineffabili omnium cælestium ciuium lætitia, & sanctissimæ Trinitatis gaudio. Nam Pater æternus

filiam

III.

VI

d Canti. 35.

filiam suam dilectissimam secum habere gaudebat; Filius dulcem suam Matrem; & Spiritus Sanctus dilectam Sponsam secum habere delectabatur: O quam læta exceptio, quàm suavia pacis oscula, quàm benevolus amplexus, quanta in colloquijs affabilitas fruunt inter talem filiam cum tali Patre; talem Matrem cum tali Filio; talem Sponsam cum tali Sponso! & inter ipsas tres diuinas personas, circa honorem tali & tam gratæ se venienti Principi deferendam! Hoc totum silentio & admiratione venerari studebo quia omninò maius est, quàm vel cogitatione assequi possim.

IV.

Ex his dictis: intimum concipiam desiderium, sacratissimam hanc Virginem, in sua profectioe, Spiritu sequendi: incipiam statim me ipsum ad eam disponere. *Primum* corde deserendo mundum, cogitans illum mihi esse instar cuiusdam *deserti*, & omnino repellens: ut hac ratione Spiritualium capere efficiar. *Deinde*, studendo quotidie in virtute proficere, nò meis viribus innitendo, nec fruendo *carnem brachium meum*; sed brachium Dei adherendo, & fiduciam meam in eo collocando. *Tertio*, curando semper ita in Domino gaudere, & in rebus obsequij ipsius abundè in gratijs & donis eius, & *gsm* (vult Apostolus) *diues in Christo Iesu, ita ut nihil illi desit in vlla gratia, expectanti magna fiducia reuelatione gloriæ Domini nostri Iesu Christi*

e Cant. 85.

Jerem. 17.5

g1. Corint.

1.7.

PUNCTVM II.

CONSIDERANDA deinde est essentia-
lis gloria animæ huius Virginis Domine
nostre. Nam, si omnibus iustis (ait Christus
Dominus noster) a mensuram bonam, & con-
fertam, & coagitatam, & superfluentem da-
bunt, quam mensuram dederit ipse Matri suæ?
& si eadem mensura, qua mensi fuerimus, reme-
tietur nobis, quæ nunquam limitatam habuit
mensuram in amando & seruiendo Deo; quæ
mensuram, quasi absque mensura & termino,
par est credere, eam à Deo ipso accepturam?
mensura enim Virginis Sanctissimæ, in serui-
tio filij sui, semper bona fuit, cum omni gene-
re bonitatis, absque ullius culpæ admixtione,
plena omnibus gratijs & virtutibus, in pleni-
tudine bonorum operum, nulla eis defici-
ente circumstantia, sed conferta laboribus &
mortificationibus, coagitata & superref-
luens in obseruatione Euangelicorum con-
siliorum, multò amplius præstans, quam te-
neretur: & nihilominus desiderans semper
plura præstare, nullo posito limite, suo desi-
derio. Si igitur Deus iustis reddit præmia
mensurâ gloriæ, quæ millicies superat ipso
rum obsequia, quanta reddidisse præmia cre-
dendus est, ad eò excellenti mensuræ Matr-
is?

a Luca. 6.
38.

Ipse solus D E V S, qui ea reddidit; &
Virgo sanctissima, quæ accepit, assequi
V. Part. Medit. Cc possunt

possunt immensitatem huius mensuræ nobis
sufficit credere, Beatissimam Virginem man-
sisse plenam & saturam, & experta quod scri-
ptum est : *b satiabor , cum apparuerit gloria
tua.*

b Psal. 116
15.

c Iudith. 12.
18.

Dixerit illi proculdubio Deus Dominus no-
ster, quod Holofernes ille Iudith viduę dixit :
*c bibe nunc & accumbe in iucunditate: quoniam
inuenisti gratiam coram me.* & responderit
ipsa Virgo, idem quod Iudith: *bibam Domine,
quoniam magnificata est anima mea hodie, per
omnibus diebus meis.* Bibit itaque Virgo Sati-
ctissima, & saturata est. Nam eius intellectus
satur mansit clara visione Dei, Trini & vnus
bibens ex immenso illo mari infinitæ eius sci-
pientia, ita abundanter, vt Cherubim, qui di-
cuntur plenitudo scientia, in eius cõparatione
quasi vacui esse videantur; eius voluntas satu-
rata est amore Dei beatifico, d *introducitur
cellam eius vinariam, & vinum hauriens eius
charitatis, vsque ad sanctam ebrietatem, tanto
amoris excessu, vt Seraphini, qui amore ac-
censi dicuntur, in eius cõparatione, quasi
rigere videantur; Spiritus eius ita fuit satur
pacifica possessione infiniti boni, quod deli-
derauerat, immersus in profundissimo illo
mari gaudiorum domini sui, hauriens eius
inundanti torrente deliciarum eius, tanta
abundantia, & plenitudine, vt eius cõ-
paratione Angeli, magna sibi premi vide-
antur.*

d Cant. 2.
4.

e Isai. 66.
1.

Denique vltimum, vt ita dicam, sicut be-

nitatis & omnipotentiae fecit Deus, explen-
 do matris suae desideria, in eo gradu saturita-
 tis, qui purae creaturae poterat competere;
 reddendo illi praemium, quod ei toties po-
 tum dederit, non aquae frigidae, sed lactis
 sui pectoris, usque ad satietatem. tunc ergo
 matrem suam filius pectori suae diuinita-
 tis applicuit, ut satiaretur infinita lactis ipsi-
 us dulcedine. Tunc etiam reddidit illi pra-
 mium pro haustu amarissimi calicis, quem
 ipsius causa tempore passionis eius hauserat,
 propinans illi dulcissimum gloriae suae ca-
 licem, quo hausto traderet obliuioni æ-
 rumnas omnes, & amaritudines præteri-
 tas: eo quod incomparabiliter maiores
 fuerunt suauitates, quam fuerint amaritu-
 dines. *f. abstersit omnem lacrymam ab ocu-
 lu eius; & ultra non erit neque luctus, neque*
clamor, neque dolor erit ultra; nec miseriae
*vllæ veteris hominis: quia totam reno-
 uauit dotibus gloriae hominis noui. O Vir-
 go gloriosissima, gaudeo de tanta tua glo-
 ria, gaudio & satietate, quibus affice-
 ris, sedens ad g mensam istam coele-*
stem, ad quam sedes cum filio tuo, & ad
latus eius edens ac bibens idem, quod
ipse edit & bibit. præ Apostolis merita
es sessionem istam, & satietatem, ut quæ
præ illis omnibus fidelius permanferis,
cum filio tuo, in omnibus eius tenta-
tionibus.

f. Apocal.
21.4.

Luc. 22.30

Quandoquidem ergo mensura, quæ tibi datur, ad eum est copiosa, memento esurientium & sitientium, qui in hoc terræ exilio habitamus; & vel micæ saltem aliquas nobis distribue.

HINC, firmum concipiam propositum, Beatissimam Virginem imitandi in ea mensura, qua ipsa Deo seruiuit; adhibitis quatuor prædictis circumstantijs, ad id me ipsum excitans, spe gloriæ, quam Deus mihi daturus est, millies ampliolem quàm mea opera, ex seipsis, merentur: id enim est, quod dixit Apostolus: *h. non esse condignas passionis huius temporis ad futuram gloriam, quæ reuelabitur in nobis.*

*h. Roman. 8.
18.*

PUNCTVM. III.

TERTIO, consideranda est CORONATIO Sæctissimæ huius Virginis, cum reliquis eius gloriæ circumstantijs.

I.

NAM primum, Virgo Sacratissima fuit eleuata super nouem choros Angelorum, ad gloriam, absque vlla comparatione maiorem, quam ipsorum: fecit enim eius filius illam sedere ad manum suam dextram, in throno magnæ maiestatis, maioribus amotis indicijs, quàm Salomon cum matrem suam *Bethsebee in throno collocavit.* Ibi impletum est illud Dauidis: *b. astitit Regina à dextris tuis in vestitu deaurato, circumdata a varietate.* Nam sicut Christus Dominus noster propterea

a3. Reg. 2.

19

b. Psal. 44.

10.

dic-

dicetur sedere ad dextram Patris, quod
 fruatur optimis bonis gratiæ & gloriæ, quæ
 sunt in Cælo; ita Virgo hæc Sanctissima se-
 det à dextris filij: quia post illum, possidet
 altiorem gradum gloriæ, supra omnes cho-
 ros Angelorum, & reliquorum beatorum
 Spirituum, nam quo est gloriosius c. nomen *c. Hebra.*
 matris, quàm serui; eo altior est thronus vir-
 ginis, quàm omnium cæterorum. Gaudeo ò
 Angelorum Regina, de altitudine tui istius
 throni! sit felix sessio ista ad dextram filij
 tui! ò quàm aptè competit tibi aurea ista ve-
 stis, tot virtutum varietate exornata! si
 primus Angelus, qui ob suã superbiam postea
 corruit, dicitur d. fuisse in delitijs Paradisi *d. Ezechi.*
 Dei, cuius operimentum erat omnis Lapis pre- *28.12.*
 tiosus, nouem scilicet genera pretiosorum *S. Grego 8.2.*
 lapidum, ornamenta scilicet & perfectiones *Moral. c. 18.*
 nouem chororum Angelorum; quanto ma-
 gis tu eris adornata omnibus perfectioni-
 bus viuorum & pretiosorum lapidum, cæ-
 lestis istius Ierusalem! respice, ò Mater
 misericordiæ, nuditatem meam, & impetra
 mihi vestem nuptialem, quæ est charitas,
 cum reliquorum pretiosorum Lapidum,
 virtutum scilicet, ornamento; vt fiam dignus
 comparere in præsentia Dei mei, eoque in tua
 societate frui. Amen.

DE I N D E, fuit Virgo Sacratissima
 pretiosissimis CORONIS, à Sanctissi-
 ma Trinitate, coronata. Nam æternus Pa-
 ter eam coronauit coronâ POTESTATIS,

II.

concedens illi, post Christum, potestatem
super omnes creaturas, Cælestes, terre-
stres, & internales, ita vt. & illi competat
e *Psal. 8. 6.* illud Psalmi *e gloria & honore coronasti eam,
& constituisti eam super opera manuum tua-
rum.*

Filius D E I coronauit eam corona
S A P I E N T I A E, dans ei claram co-
gnitionem, non solum essentia diui-
na; sed rerum etiam omnium creatarum,
& omnium, quæ ad eius dignitatem, ma-
tris scilicet & aduocatæ nostræ, perti-
nent.

Spiritus Sanctus coronauit eam corona
C H A R I T A T I S, infundens illi, non so-
lum amorem Dei; sed etiam ardentissi-
mum proximorum, cum vehementissimo
zelo boni & Salutis eorum.

O quanta admiratione, & stupore affe-
ctæ fuerunt tres Angelicæ Hierarchie,
quando viderunt hanc V I R G I N E M talibus
coronis adornatam! S E R A P H I N I stu-
pebant ardorem charitatis eius; Cherubi-
ni, scientiæ eius plenitudinem; Throni,
abundantiam pacis eius, virtutes, excel-
lentiam donorum; cæteri Angeli, altissi-
mam eius perfectionem & Sanctitatem.
Gaude o anima mea, de hac Virginis coro-
na, & lætare, quod habeas in Cælo mi-
trem tantæ potestatis, & excellentiæ,
vt sua intercessione possit omnibus tuis

miserijs remedium adferre; & tantæ S-
 pientiæ, vt necessitates tuas omnes om-
 nino perspectas habeat, tuaque desideria
 & orationes cognoscat; & tantæ charita- *f Psal. 102.*
 tis & zeli, vt plus ipsa ea tibi impleri deside- 4
 ret, quàm tu ipse, qui ea petis. O Ma-
 ter dulcissima, à Filio tuo *f in misericor-*
dia & miserationibus coronata! Ora eun-
 dem, Domina, vt me illis ita in hac vita co-
 ronet, vt ad æternam coronam perueniam
 in futura.

III.

PRAETEREA, Sanctissima Trinitas
 coronauit Sacratissimam Virginem tri-
 bus coronis gloriæ accidentalibus, quas Theo-
 logi LAUREOLAS appellant, si-
 ue coronas lauri, quæ nunquam amittit
 suum virorem. Laureolam videlicet, V I R-
 GINITATIS, MARTYRII, ET *p. 4. Medit.*
 MAGISTERÏ. nam hæc Domina fuit virgo 47.
 virginum; fuit martyr in passione filij
 sui, sicut alibi dictum est; & magistra nostræ
 religionis, cuius mysteria ipsosmet magistros
 nostros docuit.

O Suprema Regina, quàm bene es pro-
 merita istas coronas in cælo, ob copiosos *g Matt. 13.*
 fructus, quos in terra produxisti! Tulisti 23.
 enim fructum *g trigésimum*, sicut virgo;
Sexagesimum, sicut magistra; *Centesimum*, si-
 cut Martyr.

Rectum ergo est, vt talibus labori-
 bus reddantur coronæ adeo pretiosæ.

quò iurem ego efficiar earum dignus, impetra mihi, vt feram copiosum Sanctorum operum fructum.

IV.

h Apoc. 12. 1

ULTIMO coronata fuit hæc virgo sacratissima, h duodecim stellarum corona, cuius mentio in Apocalipsi: nam, vt in eam confluerunt omnes excellentiæ & virtutes omnium ordinum sanctorum, qui sunt in cælo; ita fuit coronata prænijs illorum omnium, stellarum duodecim significatis. Resplendit in ea summè & maximo excessu *Fides & Spes* Patriarcharum; *Lumen & contemplatio* Prophetarum; *Charitas & Zelus* Apostolorum; *fortitudo & magnanimitas* Martyrum; *patientia & penitentia* Confessorum; *sapientia & discretio* Doctorum; *sanctitas & puritas* Sacerdotum; *solitudo & oratio* Heremitarum; *paupertas & obedientia* Monachorum; *charitas & puritas* virginum; *humilitas & tolerantia* Viduarum; denique *fidelitas & concordia* sanctorum coniugatorum; ideoque consequens est, vt omnia præmia & coronas acceperit, excessu etiam incomparabili. Maximè enim propriè illi competit, quod Sapiens dixit: *multa filia congregauerunt diuitias, tu supergressa es vniuersas.* quod est dicere; multæ animæ congregauerunt sibi magnos thesauros meritorum, & virtutum; sed tu multo plura coaceruasti quam illæ. Surge itaque Spiritu anima mea & fidei oculis respice matrem hanc veri Regis Salomonis, cum corona gloriæ, qua Filius eius illam coronauit, in die sui in Cælum

Prover. 31.

29.

ingret.

ingressus, & in die lætitiæ cordis sui. Con-
templare ineffabile supremæ huius Reginae
gaudium, & affectum, quo sine dubio renoua-
rie antiquum suum canticum: *k Magnificat* *k Luca. 1.*
anima mea Dominum, & exultavit Spiritus me *46.*
us in Deo salutari meo: Quia respexit humili-
tem ancilla sua. ecce enim ex hoc beatam me
dicent omnes generationes: quia fecit mihi
magna qui potens est, & sanctum nomen
 eius.

O Virgo gloriosissima, iam nunc possunt
omnes generationes Cæli & terræ, te ore
pleno, beatam dicere, ut quæ iam sis in pos-
sessione eorum, quæ hactenus sperabas. Ma-
gna quidem fecit in te semper, qui potens
est; sed hodierna die, reliqua omnia ob signa-
uit corona gloriæ, quam tibi reddidit, in
præmium humilis tuæ paruitatis. Coronata
est stellis, quia Sancti, qui te sunt imitati,
gloria sunt & corona tua; ut qui interces-
sione tua & auxilio, victorias suas obtinu-
erint. Ideoque magna demissione coronas
suas, *l cadentes coram te, ad pedes tuos pro-* *l Apocal. 3.*
ijciunt; agnoscetes, te mediante, se illas ob- *8.*
tinuisse.

O Aduocata pijsissima, & intermedia po-
tentissima, succurre mihi intercessione tua,
ut & ego sim in gaudium & corona tua, ita stre-
nuè in hac vita pugnans, ut obtineam, te
mediante, victoriam, & æternam gloriæ co-
ronam acquiram. Amen. *m. Philip.* *4.1.*